


BAKURUBASANNI

(couscous 12 grammes)

Mali kono = Dorème 300

Afriki kono = Dorème 600

Jamana were = Dorème 1000



Kunnafonisében bota kalo o kalo. BP: 24 Téléfoni : 22-21-04. Bozola Bamako-Mali. San 24nan boko 290nan A songo : dorème : 15

Mali ciklaw ka fuwari fob «FOAGRI» kera jifakoye



Peresidan Alifa Umaru Konaré ye fuwari bée yaala

Mali ciklaw ka jekuloton min ye «APCAM» ye, o ye senekelaw ni baganmaralaw ani mōnnikelaw ka fuwari fob laben Bamako, n'o bē wele ko «FOAGRI» n'a kera jagokelaw ni izinitigiw ka fuwari «FEBAK» kene kan, Hamudalayi awiyon jigin kene koro la.

A fuwari dayelela Peresidan Alifa yére fe sibiridón, marisikalo tile 16 don. A kera faamalamogo bée nena. Mogo minnu tun be Peresidan nōfe, o ye Minisiri fob Ibrahima Bubakari Keyita; cikewo minisiri, n'oye Modibo Tarawele ye; ciklaw ka jekuloton peresidan, n'oye Karamoko Subunun ye, ani jagokelaw ni izinitigiw ka jekuloton peresidan, n'oye Darahamani Hamidu Tureye. Afuvari kunceliko kuma fóra k'a bila marisikalo tile 21 don na.

A jirala Minisiri Modibo Tarawele fe, ko geleya n'a taa bée, Mali senekelaw ye soro ke, k'o sababu ke cesiri ye. O siratige la, a y'a fo ko ninan, sumankise soro bée lajelen bennatoni 2.178.400 ma; ko alikaama kera toni 7.000 ye; koori kera toni

400.000 ye.

Akon'iye nakofenw ni baganw ani mōnnifénw fara senefenw kan, k'a be seka foko Mali ciklaw ye baara ke, kajamana kunnawolo, cogoya la, min be fuwari kekun bo

O siratige la fuwarikelaw y'a nini jamana némogow fe, u ka feere bée ke, walasa

ka fuwarikené do laben Bamako, min dayelelen be to kudayi.

Peresidan Alifa jenna n'o ye, k'a jira ko fuwarikené bëna dilan jagokelaw, izinitigiw, ciklaw ani bololabaarakelaw bée kama.

A ye ciklaw demeliko numan fana layidu ta soroko, nafoloko, minenko, sannifeereko n'u noggonnaw la, walasa senefenw ka sanga soro farafinna ani farajela.

A kera cogo o cogo, mogo minnu tun be nin fuwari fob dayeleli kene kan, olu bée benna a kan, k'a kera kunnawoloko ye ciklaw bolo, k'a kejigakoye jamana némogow bolo.

KIBARU YE SAN 24 SORO

Hakillajigin siratige la, ninan san 1996 marisikalo tile 10 don benna «KIBARU» bangeli sankunben 24nan ma, ka masoro a nimoro fob bora san 1972 marisikalo tile 10 don na.

San 24 ninnu kono, yelema caman donna «KIBARU» dilancogola walasa k'a kodiya a kalanbagaw ye ka t'a te. A bora nc 4, k'a ke nc 6 ye. A bora nc 6 la, k'a ke nc 8 ye. A y'ito nc 8 na, ka nc 12 soro ninan, san 1996 la. O walew b'a jira ko ni «KIBARU» tun dulonnen t'a kalanbagaw, a kanubagaw n'a demebagaw la. Mali kono an'a kokan, a ka netaa tun te sabati. Nka, o netaa sabatira fo sisan, «KIBARU» nefolon'a ne laban filia bée be ke kuleñ ye.

N'a y'a men jonnin kunnandi, a fo sababu numan. «KIBARU» dilanni noggoyalin'akonkokowcayali, o sababu y'a kalanbagaw ka leters sebennenw de ye, u ka walew kan, k'u ci «KIBARU» ma.

Osebenw de békónkokowcaya. Oude tana be fo Arajomali la, ni «KIBARU» ka waati sera jumadonw lerc 11 la (11h).

Ola, «KIBARU» n'a némogoso, n'o ye «AMAP» ye, olu be je ka mogow walenumandon k'ukabonya masegin, k'anini bée fe, an ka jekadugawu ke «KIBARU» ye.

KONKO

Mali sanfe kelebolo awiyon dō binna

Nakantigi Mandela Farafinna Dankelen

«CMDT» ka san 1995 soro benna sefawari miliyari 30 ma

Mali furusiriko sariya yelemaliko ma sira soro fob

Musow togolodon gintaw resimma yerlabenkow ma.

Musow ka konçtipeliko kuma geleyayoro ka ca

Jamana faamaw ka kan ka balikukan don da la

An be se ka balo ni fite ye cogo di?

KONKO FURAW

ne 2

ne 3 - 4

ne 5

ne 8

ne 9

ne 10

ne 11

ne 12

ne 12

Mali sanfe kelebolo awiyon do binna



Mali sanfe kelekejekulu sigira sen kan, ninan san 1996 y'a san 20 nan ye. O gintanw laben hukumu kono, keleke awiyonwunka kank'udonko n'u seko doonin jira fasodenw na, fewuruyekalo tile 6, nka sunkalo koson jenaje in bilala marisikalo tile 6 la.

Nka sewako ni nisondiyako ni kunnawoloko yeelemañfileawakoro, ka ke makariko ye. San 1996, marisikalotile 6, Malisorodasi awiyon mintunkakan ka sanfe kelekejekulu ka sanyelema seli kunben gintanw kunce, n'a be wele ko : «Migi 21», o binna Bamako dafela dugunin do kono, n'o ye Banankoronin ye, n'a ni faaba ce ye kilo 20 nogon ye walaha temennen ko ni doonin ye.

Awiyon in bolibaga n'o tun ye komandan Mahamadu Keyita ye, o ni tora kasaara in na.

Kasaara in seere kera soferi Mamadu Koné ye, min tun b'a ka foro kono pankurun in bintuma. Seere ka lakali la, a binna ale siginogon de ka foro kono ; nka awiyon in magara dugukolo la yoronin min na, tasuma wulila a la, i koro ; a perenna, ka jenseñ. Banankoronin dugu bee y'a kunda geregere keyoro in kan. Ala y'a ke, Serizan Sizi Lanbele tun temento don Banankoronin. Mogow ye

kibaruya d'o tulo kan. Sorodasi Sizi Lanbele ye soferi dodeli o yoronin bee, o ka taa n'a ye Senu «Bazi» la, n'o ye pankurun sorodasi ka ciyakeda do ye. A ye kunnafoñi jenjow bee di sorodasi nemogow ma yen. Nka, olu be se waati min na kasaara kene kan, o y'a soro a ko banna, bawo tijeni tun kera k'a ban. Awiyon in jenseñna Banankoronin kofe, forow cemance la, k'o do kere fe. A jenina, k'a peren simanso do yere de kere fe, mogo foyi tun te min kono, Ala barika la. A mognow serila ka taa fo metere 150 nogon na.

Kasaarato Mahamadu Keyita, jalatigijogonw, a ni minnu bee be kelebolo kelen na, olu y'a sementiya k'a tun y'a fo awiyonjigin segesegelila arajo mogow ye, k'a b'a fe ka jigin, nk'o yoronin bee arajo tigera a n'olu ce.

On'a taa bee, mogote se ka fen fofo. Min doñen don, awiyon fila minnu tun ka kan ka jama lajenaje sanfe, o kelen bolibabaga tun ye liyetenan-koloneli Wali Sisoko ye, n'o ye Senu «Bazi» komandan ye. To kelen bolibaga tun ye kasaarato Mahamadu Keyita ye. U fila bee faamuyalen don u ka baara la ; o siratige la, u ye feere bee do tige u ka jenaje in nel'i kadara kono. Jekulu fila sigira k'a ban kasaara in kun jenjow neminini kama.

Peresidan Alifa ka taama diyara Maliden sigilenw ye Libi kono.

K'a ta Marisikalo tile 9 na, k'a bila a tile 12 la, Peresidan Alifa Umaru Konare ye taama do ke Libi jamana kono teriya ani nogondeme sira kan. Peresidan ni mogo minnu taara nogon fe, o ye Mamadu Jaguraga ye, n'o ye kelekanko komiseri ye ani Mohamedi Saliya Sokona; n'o ye tungarankew ka delege zenerali ye. A taama senfe, Maliden minnu sigilen be Libi jamana kono, u n'olu ye nogon kunben.

O siratige la, a jirala ko Maliden mogo 17.000 de sigilen be Libi sisan, ka soro olu tun ye mogo 20.000 ye san fila temennen kono. O b'a jira ko do bora mogow la. O sorola an ka mogow genni fe, ani burudamekelle banni, min kera mogo caman seginkun ye Mali kono. Mogó minnu be Libi sisan, olu y'a jini Peresidan n'a nokanmogow fe u kana segen olu matarafali kumaw la u ni Libi jamana nemogow ni nogon ce, walasa u ka sigi be diya u bolo cogo minna ka t'a fe. U ko genni nogoyara k'o sababu ke Alifa yere ka cesiri ye. Nka geleya be Libi sisan, min nana ni wariko ani magonefenko geleya ye, minnu kelen, be ka Libikaw yere segen, kuma te jamana werew mogow ma. O kumaw folen na, a jirala Malidenw na, k'u ka ben, ka fara nogon kan, ka donda kelen fe ka bo da kelen fe, k'o be ke sababu ye u ka je ka feere soro u ka geleyaw la, min be yero bee.

O temennen ko, kunnafoñi caman dira Malidenw ma, jamana konokow kan, i ko kelekankanfan kelle banni, lekolidenw ka mankan banni ani dugukoloko ni sebenko minnu be sen na k'a nesin kokan Malidenw bee ma. A fora u ye fana ko Marisikalo laban na, kenyereyew ka kunben be ke Bamako walasa k'u haminankow don, ka feere soro olula; kominnub'a fe ka nafamafen ke Mali kono k'i to tunga la, k'a nininen b'olu fe u ka ye kunben in kene kan. Sanni u k'u kodon nogon na, a geleyara Malidenw ma u ka Libi jamana sariyaw labato, walasa bonya ka t'u ni fangaso ce siginogonya la.

Nakantigi Mandela-Farafinna Dankelen

Kumadonsow ko : «side be mone bo. Ni mögo min ye si caman soro, i be fen caman lakali». Mandela bisimilali bolodara Malila, siñe fila, k'a bo a ma.

Sibiridon, san 1996 marisikalo tile 2, onzerewaati, cekoroba dawulama, n'a nedaa noorolen, an'a ka dakabana nisondiya, cunna Malidugukolo kan. peresidan Alifa Umaru Konare n'a ka minisiriw nemogoba Ibarahima Bubakari Keyita ye Afiriki di Sidi peresidan Mandela bisimila.

Bamakokaw famana ka nin nogon faamakunben ke. K'a ta pankunrun jigin-kene na, k'a t'a bila pale la, kuluba, kilometere 20 nogonna, hadamadenw bonnen tun be sira fan fila fe, i n'a fo ntaww.

Dunanba in yere ye jon ye de ? Nelsoni Madiba Mandela bangeria san 1918, zuluyekalo tile 18, Kunu dugu kono, Umutata lamini na, bantusutanw ka kabilia kono, n'olu ye Afiriki di Sidi farafin daw ye. Fa fatura ka Mandela si to sanji 12 la. Bamananw ko : Da be kuma kabini atulofila». K'a sababu ketijedemeli ni lekolidenton lafasali ye, Mandela genna ka bo lekolisoba la san 1940. San 1941, k'a si to sanji 23 la, Mandela donna baara la, sanubojo rola. A kera kolosilikela ye yen. Farajew tun be tooro minnu da farafinw kan, sanubojo rola, olu ma kun a fe, a ye baara bila.

Don o don, tile be bo koren, ka taa tilebin; donw be fofo nogon ko; latige fana b'a ka baara la.



Mandela ye birokona baaranin do soro Waliteri Sisulu ka kenyereye baarada la. O san kelen a donna farafinw ka tonba «ANC» la. Waliteri Sisulu ye Mandela deme, k'a ka lekoli sara, ka awokaya kalan ke, k'o dipulumu soro. San 1951, Afiriki di Sidi jamana bee kono, Mandela ni Oliweri Tanbo fila doron tun ye awoka farafinw ye. Kabini san 1943, ni Mandela n'a jeñogonw, Waliteri Sisulu, Oliweri Tanbo, ani mögo werew, ye siyawoloma kelelidamine, foka na se san 1964 ma, ni min ma fara u ka cesiri kan, fen ma b'a la. Kumaw te kumaw ye; baarabilaw te baarabilaw ye, ani ka sebenniw ke ka farafinw lamuruti don o don ka t'a fe. U y'u seko bee ke, ka kongo ni minnogo muju, ani sunogobalya ni lakanlijugu suguya bee lajelen.

Mandela yere sera jamana camana, ka siyawolomako nefs nemogow ye. Otaama senfe, abisimilala Modibo Keyita n'a ka jamana konkokominisri Madera Keyita fe. farafinw ka tonba «ANC» nemogow laban ye tondenw yamaruya ka mugu ni kise ta ka siyawoloma kele, san 1951. Mandela kera kelebolo nemogoba ye. O y'a soro, san 1960, marisikalo tile 21, Sharipiwi dugu kono, polisiw ye

farafin 68 faga, ka 100 nogonna jogin.

San 1964, awirilikalo la, Mandela donna a si kasoo la. O kiiritigé donna, a ma awoka ta, k'a yere deme. O don, a y'i kanto kiiritigelaw ma, k'ale te doweré kélé diyagoyafanga ko; o mana ke siya fen o fen ka fanga ye, faraje fara farafin kan. Ale ka dinelatige baara nesinnen don demokarasi ni ben sabatili ma, a faso kono; faraje ni farafin bee ka ke kelen ye, ka don da kelen fe, ka bo da kelen fe, ka je fanga la, ka jamana baara nogon fe, ka jamana nafawtila bee ni nogon ce, tilenneya ani laadiriya la. Mandela ko n'ale ka kan ka sa o sira kan, a be sa o sira kan; a't'o sira bila abada, mögo si kama.

Taalen nefs, farafinw ka murutili juguyara, mankanwcayara, fagaliw kologirinyara. A laban, diñe lamini tonbaw ni faraje jamana daw y'u ka demetigé Afiriki di Sidi la, k'a sababu ke siyawoloma n'a nökan mankanw banbaliya ye. Gofereneman kamanagannen ye Mangosutu Butelizi ni Lukasi Mangope, ani mögo werew, sugandi, k'olu ke farafinw ka nemogow ye, walasa farafinw ni farajew ka se ka ben kola, ka kan kelen fo. O wale ni sababa ma ben. Farafinw ma ke nemogow fe.

Konew taa n'u segin, bee lajelen ko Mandela. Mandela yere nininkali o ninikali, kasoo la farajew fe, a ko gofereneman ni farafinw ka tonba «ANC» ka sigi ka kuma; a ko ben ani demokarasi ka sabati jamana kono.

N'ye negeta, a ko gangalan; *nye*

Nakantigi Mandela-Farafinna Dankelen (1)

negé bila, a ko gangalan; a tēna dōwēre fo negékan kō. San 1990, fewuruyekalo tile 11, Afiriki di Sidi peresidan, Ferederiki de Kelériki sonna Ala ka latigé ma, ka Mandela labo kasō la.

Kumadonnaw ko : «Jönnin bée n'a nesigi don Ala bolo. Hadamadenw bē jigin nōgōn na gansan».

San 1994, awirilikalo la, Afiriki di Sidi siyaw bée farala nōgōn kan, ka woteba kē, ka jamana peresidan sugandi. Mandela ka jama cayara ka tēmen a tōnōgōn fanganininaw ka jamaw kan. Ala ye Afiriki di Sidi tigya di Nelisonni ma, ka siyaw bée bila a ka mara kōnō.

A bē se ka fo ko Masa Ala ye Nelisonni Madiba Mandela ladiya, k'a sababu kē Afiriki di Sidi te manamana jamana ye. Hadamaden miliyon 40 ni kō bē jamana in kōnō. Dōw ko Afiriki di Sidi ye farafinna Ameriki ye.

N'a bōra taji la, n'i ye dijé lamini jamana bée jate, nafamafenbaw bē sōrōminnu kōnō, dugujukorōnafolow fara dugukolokannafolow kan; i b'a soro Afiriki di Sidi ye naaninan ye. K'a ta sanu ni lulu la, ka t'a bila sumanw ni fēn caman wērew la. Afiriki di Sidi jamana kōnō, n'i ko tu,

a tē bin fosi kan iziniw kō.

Nka, nin nafolow n'u caya bēs, siyawoloma n'a nōgōn kasaaraw tun bē ka jamana sōrōw segin kōfē, ka Afiriki di Sidi yērē mankutu lagosi, fo nafolotigiw siranna, k'u ka nafolow labo jamana kōnō.

O siratige la, Mandela sigili ni sisancé, a tē san fila bō kosebē, jamana wari miliyari 51 hake seginna ka na don faso ka késu kōnō.

Afiriki di Sidi seginna a nōna, Afiriki tōnba «OUA» ani dijé lamini tōnba «ONU» kōnō.

Kōrō belebele fila bē Mandela ka tile fila taama la, Mali jamana kōnō. A fōlōfōlō, o ye boñemasegin ye, k'a sababu kē, kabini Modibo tile la, fo ka se bi ma, Mali ma ñaniya fila ta ka Afiriki di Sidi sēgērē. sanga ni waati bée, Mali ko Mandela ka labo kasō la; ko siyawoloma ka dabila pewu, ka demokarasi sabati jamana kōnō. Mali sōrōdasiwy «ANC» kelékécew dege kélé kēcogo la.

A filanan, jekabaara minnu bē Mali ni Afiriki di Sidi dugujukorōnafolow baaralaw ni nōgōn cé, taama in bēna ke sababu ye k'o sabati kosebē.

O hukumu kōnō, Afiriki di Sidi ni Mali kōkankow minisiriw y'u bolono bila bēnkansében na.

Taama in senfē, peresidan Mandela bisimilala depitesoba la; ani denmisennin hakililabanabaatōw ka yōrō, «AMALIDÉMU». Mandela ni Mali jagokelaw ni magobatigiw ni

izinitigiw ye nōgōn kuma nōgōnya. A jirala ko peresidan ye yamaruya di ka Afiriki di Sidi sira labila u bēs lajelen ye.

Dunanba in yērē ye jeliw bisimila, ani diineñemogow, ka fara Bamako dugulenw kan, ani mogokorōba wērew. Bamako kin dō, Ipodoromu, dugumalekōli tōgōdara Mandela la. Afiriki di Sidi peresidan ka kumaw kōnō, a ye Mali waleñumandōn, a ka kunun ni bi baaraw la, ka nesin ale n'a ka jamana ma. Ako Afiriki di Sidi lasigiden bēna sigi Mali la, i n'a fo Mali ta sigilend don Afiriki di Sidi kōnō cogo min na.


Mandela ko lafiyasira wēre si te farafinna jamanaw bolo, nōgōndemé ani demokarasiko sabatili kō. Ko ni ben te jamana o jamana kōnō, o ka nētaa bē gesleya. Jamana folifénw ye Mandela kunben cogo min, u taar'a bilasira o cogo kelen na.

Kabini Mandelako bisimilahi, fo ka se bi ma, waley a dō kēra a ka nēnamaya kōnō, min ye dijé lamini mogow bēs kabakoya. O ye wale jumen ye ?

Nelisonni Mandela kelen ka san 27 ke kasojugu la, tōrō ani lajaba suguya bēs lajelen na, tuma min na, a bōra kasō la, a taara foli bila wēriwōrēdi furumuso filiyatō la, ka taasi bila ka t'o cé ma, k'a ka yaafajira. Wēriwōrēditunye Afiriki di Sidi siyawolomalaw fa ye, min tun t'a fē, a nē ka da farafin kan.

Nka, Nelisonni Madiba Mandela ka nin wale te a n'a nōgōn mogo hakilimaw kabakoya, k'a d'a kan, : «Dijé doni bē tōgötigiw de kun».

Badama Dukure.



«CMDT» ka san 1995 sor benna sefawari Miliyari 30 ma

«CMDT» ye jekabaara seriwsida ye, kenyereye ni foroba jelen don min na kabini san 1974, n'o ye seriwsida in dayeeli san ye.

A dayeeli ka sefawari miliyari kelen to a ka kesi kono, a tun ka kan ka baaraw damine ni wari hake min ye.

Mogo miliyon fila ani mogo baa saba nognna bolo be «CMDT» ka baaraw la. «CMDT» ka baara nesinnen te koorisene doren ma. A ka baarabolow ka ca, minnu be tali ke suman duntaw senenina, in'a fionon tiga, anisigiyorow lakanani, ka fara baaraminenw ni sirabaw dilanni kan.

Forobaara siratige la, koori ni sumanw temennen kofe, «CMDT» be baganmara yiriwa sigidaw la. O hukumukono, a nesinnendondunkafa sabatili ma aniwarisorolin'la bugunni siraw yiriwali ani musow ka baara misenw, dugutonw, ani bankiwsabatili togodaw la.

Jinan san fisayara kosebe «CMDT» ma, k'a sababu ke, a ye koori koloma toni 400.000 soro, ani koori kolontan toni 165.000. O koson, a ka baara siratigela, «CMDT» kera foloyesahara jamanaw bee kono, tilebinyanfan fe.

Asabatira sisanko «CMDT» be baara caman werew ke, minnu te koorisene doren ye, k'a sababu ke, san 1995, ka don san 1996 kono, Kucala «CMDT» ye kaba toni 25.000 soro, ani no toni 142.000, ka fara malo toni 1.600 kan, ani koori toni 126.000. Koori soro la, Kucala «CMDT» nogn te «CMDT» ka koori seneyorow si la.

Sikaso «CMDT» ye kaba toni 46.700 soro, ani no toni 74.000, ka fara malo toni 27.400 kan, ani koori toni 80.600. Buguni «CMDT» ye kaba toni 108.000 soro, ani no toni 65.000, ka fara malo toni 12.000 kan, ani koori toni 51.000. Fana mara la, «CMDT» ye no toni 130.000 soro, anikabatoni 36.500. O la, «CMDT» ka ninan koori soro bee benna toni 400.000 ma; no soro benna toni 826.000 ma, sanon ni kenige faralen nogn kan.

Tasuma ye fen juguba ye senekela bolo

Anw fe, Bonkoroyan, tasuma fagali ton be yan. A nemogow ye Musa Kulubali ni Nuhun Sangare ye. Ni tasuma bora yoro o yoro, dugu ce n'a muso, bee be wuli k'a kunben.

Tasuma ye fen juguba ye senekela bolo, bawo tasuma be senekel dugukolo tije, ka laban ka baganw bali ka dumuni soro. Bee dun b'a don ko senekela jigiba y'a ka senekemisi ye.

Mogo daw be yen, se b'olu ye ka koorkolo san, ka di senekemisi ma. Nka mogo caman be yen, se t'olu ye ka koorkolo san. O de koson, anw jijalen don tasuma fagali fe.

Nka, o t'a nafa bee ye, ka d'a kan, mogo o mogo be tasuma faga, balaw ke man di k'o tigi ka dugu soro.

Aw ye Kibaru min ci ne ma, a sera ; a benna n ma kosebe. Min ye sanjate seben ye, o fana fisayara kosebe, bawo, a b'an deme baara caman na.

Seku Sangare
Bonkoroyan

SEFA FANGA DOGOYALI YE SENEKELAW SEGÉN

N nisondiyalen ye nin bataki seben k'an ka dugukunnafoni dawda kibaru kalanbagaw tulo kan.

Sisan, anwka baarawgannenbadon. Baara kelen te yan. Baara minnu be anw fe yan sisan, olu ye now ladonni, nakobaara, sobaara n'u nognaw. Sefa fanga dogoyali kofe, camanfarala anw senekelaw ka geleya kan. Fol, an tun be pomotere si san baafila ani biduuru ; nka sisan, o kera baannani ani kemeye. An tun be angere bore kelen san baakelen ani kemesaba ; sisan, o kera baafila ani kemeduuru ye. Mibiliw tun b'anw ka wosonw ta yan ka taa Kati, dorum baafila ; nka sisan o kera baasaba ye.

Nin bee la, an ka senefen te wari soro sugu la. Nsonw fana te k'an ka baganw to. N balima senekelaw, aw ni segen, aw ni muju, aw ni tooro.

Dirisa Bakari jara
Balikukalan karamogo
Diyo-Buwatubugu. Kati mara.

KAFOJIGINEW YE SENEKELAW HALALAYE

Arabadon, desanburukalo tile 27, san 1995, Beleko ni Mena arondismanw kafojiginew mogowyen tonsigiba ke. Tonsigi in nemogoya tun be Kucala, ani Fana maraw kafojiginew nemogobaw bolo. Mogo 200 tun b'a kene kan.

Zayeri 10 be Beleko ni Mena arondismanw na. Zayeri 7 be Beleko arondismanw na ; olu ye Jelen, Seyila, Korodugu, Bugukurala, Beleko I, Beleko 2, Dandugu.

Zayeri 3 be Mena arondiman na ; olu ye Jeben, Kankoni, ani Mena. Shefu sekiteri kelen be Beleko ni Mena arondisman fila labaara, «CMDT» ka sira kan. Nka goferenaman ka sira fe, komadan sigilen don arondisman fila ninnu kelen-kelen bee la.

Zayeri 10 ninnu ye kafojigine 9 sigi, n'olu ye senekelaw ka bankiw ye. Zayeri 10 ninnu duguw be se dugu 100 ma.

Tonsigi in kan tun ye ka kafojiginew ka san 1995 baara kelenw jatemine, ani san 1996 baara bolodalenw ; k'o kunnafoni da mogow tulo kan. Beleko ni Mena kafojiginew ka lasigiden, n'o ye Sunkalo Male ye. Ale ye kunnafoni bee lajelen pereperelatige walabanakan, k'u nefs mogow ye. Nemogoba minnu tun nana ka bo Kucala ni Fana, olu fana ye ko caman nefs : kafojigine be yiriwa cogo min na, an'a be laben cogo min na, an'a tonsoro siraw, u y'a bee nefs.

A jirala ko senekelaw ka sigi a kan, kojiginew ye oluta ye ; ko kunnafoni si te se ka dogo senekelaw la, kafojigineko la ; sabu a baarakelaw bee lajelen ye senekelaw ye.

U ye foli ani tanuni lase mogow ma. Ala ka soro yiriwa, ka kafojigineko yiriwa senekelaw bolo, Mali kono.

Bakaribile Danbele
Beleko Gegena

Kibaru Kanubagaw Kuma Yoro

Kibaru Sorocogo

Kibaru nemogoyaso be Isa Kulubali ladonniya, ko n'u jejogon walima u siginogon minnu b'a fe ka Kibaru nimoro soro kalo o kalo, san kono, o cogoya file: Ni mogo kelen don, o tigi b'a ka aderesi jonjon ni Kibaru bakuruba songo, doreme kemesaba (300) laben, k'u ci Kibaru nemogoyaso ma, Bamako, mogo jonjon fe? walima positi fe.

Ni mogo caman don, u b'u ka Kibaru bakuruba songo, kemesaba-saba dalaje, k'o wari ni mogo sugandilen kelen ka aderesi jonjon ci Kibaru nemogoyaso ma. Kibaru ka aderesi sebennet don Kibaruseben nefolo kan, sanfela la : BP : 24 Bamako.

Kibaru nemogoyaso sago ye mogow ka soro arondisimanw, walima serkiliw la, minnu be ke sababu ye ka Kibaru lase a kalangaw ma, ka nemogoyaso fana ka wari las'a ma. O mogo dow be Kibaru nemogoyaso bolo arondisiman kelen-kelenw ni serkili kelen-kelenw na.

A ko ma se ka sabati yoro minnu na folo, Kibaru sorocogo were t'olu bolo nefolen in ko; positi walima mogo nenama.

Isa Kulubali
Jarabugu - Tamani (Baraweli)

Fen saba be dije kono, tigi t'olu la.

Fen kelen tigi caman, mogo kelen man kan k'i yere faga o nofe. Fen saba be dije kono, tigi kelen t'olu la. Folo ye jifine kan na jifilen ye ; mogo si kana i yere faga o nofe.

Filan, o ye nabiyel ye. Nabiyel ka ni tominen bee la. Sabanan ye muso ye. Muso be ce kelen ka kolosili kono ; n'o te muso ka kan ce bee la, ka d'a kan ce be min k'a muso la ce tow b'o k'a la. Ce kelen kana a yere faga muso kelen nofe ; muso kelen fana kana a yere faga ce kelen nofe. O koso, Mohamedi Isa min ka kasaara kuma fora kibaru nimoro 286nankono, nowanburukalola, ale sara ni mone ye, ka d'a kan ce were bena Bintufuru, n'oye Mohamedi Isa furumuso ye, inshalaahu !

Saliya Kumare Saleke
Merijela. Dogo arondisiman.
Buguni mara la.



Jebetaka

Ne b'a fe ka kuma kelen fo Perenpe digi ciklaw ye. San o san, an ko Ala ka samiyé diya, nka fen do b'an sen koro, an t'a jate, o ye minnu be cike, ka serili ani binbo ni garabuli fana ke ntendonya fe. Kabini digi ma sigi, ninnu be cike a yoro la, olu k'u ye yoro tana ye, o n'a taa bee, san o san do be fara o wale kan. N'an m'an kofile ten, o manji de !

O temennen ko, n'b'a jini balikukalanden jolen bee fe u ka Kibaru bakuruba san, bawo kabini ne donna bakurubasan na, n'y'a ye ko nafaba b'a la. Ab'in'a fo letere don. Ni letere dir'i ma, n'i m'a kalan, i te lafiya. Kibaru fana be ten.

Abudulayi Tarawore
Jebetaka (Moti mara la).

AN B'AN KA LETEREW KALAN K'U SEBEN

Ne b'a fo kibaru nemogow ye, ko n mago be kibaru la kalo o kalo, san kono. Wa, a ka di mogo caman ye; nka an t'a don a be soro cogo minna, k'a sababu ke, denmisén caman te bo Janbugu ka taa Bamako. O kofe, n'i ye wari bila ka taa Bamako, a te se.

Min ka di ne Isa ye, kibaru nemogoyaso ka mogo sigi serkili, wa lima arondisiman na, wari be sara mogo min ye, n'a be kibaru lase mogow ma.

Ne be kibaru nemogow ni balikukalan baarakelaw bee fo, k'u walenumandon. Balikukalan nana anw burusikonomogow bo dibila. An b'an ka leterew kalan; an b'u seben fana. Nisongo seben mana na, balikukalandenw b'a jate k'a seben.

Anw fe yan, Jarabugu, duguyriwatón be yan. Denmisentón fana be yan. Nisamiye sera, denmisénw be ke Jarabugu n'a lamini na.

N'i mago sera u ma, i b'a nefo u ye, u be taa cibo k'i ye; nka, wari be sara folo. Folo, wari tun be sara ni samiyé banna. Mogó dow tun ta sara. Ni jo min soro, o be bila mangasan kono. Ni geléya kera, do be bo ka di mogow ma. N'i ye kilo kemé (100) ta, o be sara ni kilo kemé ni mugan ye (120). Anw fe Jarabugu yan, fosi te yan ni ben ni kotojogontala te.

Isa kulubali
Jarabugu. Tamani arondisiman.

ALA YE ANW SON

E m'a don ko anw faso tun ka di sa ! Ale de tun ye cefarinso ye ; an marabaakoro b'o don !

Ale de tun ye kankelenfoso ye ; an benbakew tun t'a tu k'a no !

Baara de tun ye anw taamasine ye ; siginogonw bee b'o kalama Ben ni kelenya de tun ye anw barika ye. Wa demokarasi nan'a soro jekafé ye anw ka laada do ye.

Hali an be don min na i ko bi, anw faso ye benso ye.

Anw kera kalamene ye farafinna jamana horonyalenw cema.

Anw ka ben n'an ka kelenya kuma ye dije lamini.

Siyawoloma te anw fe, dugukoloko kélé, anw t'o sidon.

Anw ka faaba kelen don taamasine ye farafinna kono bi ; Bawo, jamana, walima jamana kelen denw ce mana geléya cogo o cogo, n'u sera ka jogon kunben anw ka faaba kono, ben bulonba in kono, n'oye Bamako ye, Ala b'u son hakili juman na.

Anw ferenan be an faso kono ! Jamana biduuru ni jamana fila de horonyalen be bi farafinna kono ; ni jamana seegin te anw faso de ka bon n'a tow bee ye.

K'a ta Kayi fo Tumutu, Kidali fo Sikaso, sen te anw ka dugukolo ban, bagangenyoroko te anw kamanagan, i y'a don sojoyoroko kono ts.

Anw ni diya ka kan Maliba in kono. Senefenw bee neyoro be soro anw fe, an ka baw falen don jége la, an ka bagan te ban. Wari ye dunan ye. Sanu, luulu, olu n'u jogonna caman be makononi na kabini kulu kene an ka dugukolo jukoro (Kankan Musa ka Makantaa y'o sementiya).

Finjugu te ci anw ka jamana kono ! Mogofaganene te an fe yan ! An ka kuluw te tasuma fooco !

An ka jiw te halakili ke ! An te dugukoloyerereye don kojugu ye ! «Walaahi» malidenw Ala y'anw ladiya.

Mandenjeliwko : <<Ne moké ka muruba, n fa ka muruba, i yere ka muruba kelen de jogon te i kere la>>

Anw ka cefarinso cira koyi ! Kankelenfow dogoyara ! Lahidu tiimebagatora kelen kelen ye !


Baara ni yeredon minnu tun ye an danbew ntuloma ye, o tulo be jini ka fara.

Malidenw, n'an ma hakili soro, an be k'an yere ma jugu ye.

Lamini Sise
Balikukalan nemogoyaso Ofisiri la Segu

Poyi : Kibaru

N'i ko kibaru, i
ko mun ?
N'i ko kibaru, i
ye fénba togofo.
N'i ko kibaru, i
ko jamana ka
kunnafoniseben
N'i ko kibaru, i
ko jamana ka
netaašebeen.



N'i ko kibaru, i
ko sénékelaw demesében
N'i ko kibaru, i ko baganmaralaw ka soro
yiriwaseben
N'i ko kibaru, i ko moonikelaw
ladonniyaseben
N'i ko kibaru, i ko bololabaarakelaw
demesében
N'i ko kibaru, i ko jamanadew
ladamunisében
N'i ko kibaru, i kumana ka wasa.
Ne balimaw, an k'an wasa don kibaru
la.
Ne balimaw, an k'an césiri kibaru kalanni
fe, sabu Kibaru be hadamadenya de
kofo,
Kibaru be kalan de kofo,
Kibaru be kénéya sabati de kofo.
Ne balimaw, an ka kibaru sankorota, k'a
deme.
An ka kibaru kalan, k'a manku fo.

Amidu Kulibali
Balikukalan karamogo Bamako

Diyo-Buwatubugu Musow ni Fasobaara

Ne nisondiyalen ni n sewalen ye nin
bataki sèben k'an ka musow ka
baaraketa dòw da kibaru kalanbagaw
tulo kan.

Anw fe yan, Diyo-Buwatubugu, musow
ka tòn be yan. Tòn in ka baara fanbanw
ye tònforo sènli ni cibo ye. San 1994
samiye la, anw ye kooriforo taari kelen
sèn; o fisayara kosebe.

San 1995 samiye la, an ye kooriforo
taari kelen sèn tugun; nka o soro ma
san 1994 soro do conin. An ka tònforo
baara ye tarata o tarata. Musow bëe be
nogou soro tònforo la.

Tilema fe, an ka bara fanba ye nakosene,
ani ka cew deme u ka bogoji tali la. Min
ye kalanko ye, anw ka musow césirilen
don balikukalan fe. N'b'a jini Mali ce bëe
fe, u ka musomanninw ka kalanko mine

ni barika ye.
N'o kéra, jamana be taa ne.
N ka foli be an ka tòn mögôw bëe ye, i n'a
fo La Kamara, Kurufin Jara an'an ka tòn
kunnafonilasel, n'o ye Mancini Tinéba
Tarawele ye. N be Kalilu Jara fo, ale min
jora an ka tòn koro.

Fatumata Jara
Animatirisi-Diyo-Buwatubugu
Kati mara la.

KA BO POROMANI

San 1995, okutoburukalo tile 21, wögögöt
nana Poromani, k'olu ye sordasiw ye.
Sordasifini tun b'u la.
A ce kelen nana Poromani ka dugutigi ka
so jini. A selen yen, dugutigi hakili la ko
mogo sèbe don. O y'a bisimila konuman.
Ak'ale n'a tònogonw don mobili la ; k'uka
mobili tijena dugu kerefe ; ko-sisan, a be
moto walima negeso do jini ka taa n'o ye
Jene ka taa mobili minen do san ka na
teliya la.

Dugutigi ye negeso jini ka d'a ma. K'a ta
o don fo bi, a ma segin tugun. Ni faamaw
ma nin ko in jenini ji nemajolen na, ubéna
digi sénékelaw la kosebe.

Poromanikaw ye sanji milimetiri 270,3
soro. Anw fe Poromani dugu lamini bëe la,
jow jara kosebe, ani tiga ni fini. Nka, malo
jena ; mogo caman dun ma malo sene.
Balikukalank ta fanfe, o ko kéra dugu
bolo héréba ye. Anw be Ala tanu, sabu, bi,
Poromanika 25 bëe be se ka letére sèben
K'a kalan bamanankan ni fulakan na.
An ka foli kerenkerennen be ka taa an ka
balikukalan jemogoyaso mögôw ma,
minnu be Moti, n'olu ye Musa Sidibe,
Solomani Kumare, ani Alitine Sangare
ye.

Bokari Kulubali
Poromani Sofara Jene Kubeda

Fitiriwaleya

Nin kéra masake do ye. Ol caman tun b'a
fe.
Kongo donna jamana kono san do la.
Mogowtaara jenini masake ka so. Masake
ko b'a le bolo, nka warit'a soro sanu t'a
soro, fo dijë be ban kan min kan ni
mogo min sera k'o don, ale be no di o tigi ma.
Mogo si ma se k'a don. Musokorónin dò n'a
moden wulila k'u bi taa masake ka dugu
la. U taamara ka taama. U segenna fo ka

segén. U y'u sigi sisun do koro k'u b'u
segennafijé bo. Musokorónin sigilen ko:
«An be nin ke di ? Masake ko n'ol b'a fe
nk'a te soro fo dijë be ban kan min kan
ni mogo min sera k'o fo ale ye». O y'a
soro kononin do be siwo la o y'i kanto n'a
sera, a' b'a fo masake ye ko dijë be
laban fitiriwaleya kan. U selen masake
y'u jininkia. Musokorónin seginna o kan.
Masake ye o doni n'la.


U seginbaato nana se sisun kelen nin
koro. U y'u jigin k'u segennafijé bo.
Musokoróba moden nan'i kanto. «An ye
no soro nk'a nako be ke cogo di? «
Musokorónin k'o man gelén. An
temennena ka kononin min to yan o be
yan halisa. A na bi ta ne. U ye kononin
mine k'a faga, ka taa n'a ye.

Siriki Kulibali
Tasona-Falo Bila mara la.

Kuma koroma

Nin tun ye
c e k c r c b a
kodounnaba d
ye.

Tuma min na a
ka saya sarati
surun yara,
céköroba y'a
denkesabawele



ka na, walasa a ka se k'a dòn n'a sara,
den min be se ka ko dilan a salen kò.
Céköroba ko denw ma, ko yugubasaga
sirilen file. Ni min be se ka taa saga in
feere sugu la, ka laban ka na ni saga
wariye, anisaga sogo do, anisaga yere,
ka n'u di ale ma.

Saga be taa sugu la, k'o feere, ka na ni
wariye, ka na ni o saga kelen sogo ye,
ka tila ka na ni saga yere n'elnamata ye. O
be ke cogo di ?


ye ka di cekruba ma.
ma, ka laban ka segin ni saga jenama
cekruba ma; ka na ni si singy ye ka d'a
! be segin ni saga kólliye ka na di
k'o feere ou ma; ! be tila ka saga kobs
ye sagasi sannawaydr, ka saga siwrig
N'i tara ni saga ye sugu la, ibe taa n'a

Jaabí :

Mamadu Jara
Animateri NPeseribugu
Mansantola-Kolokani mara la.

Mali furusiriko sariya yelema ma sira soro folo

Sariya min be furu sircogo dantige Mali kono, o tara kabini san 1962 Fewuruyekalo tile 3 don na. O sariya min be sen na halibi, o b'a jira ko merilafurusiri de folo be ke, ka soro ka morifurusiri ke. Nka, taalen nefsé, mogo dow y'a kolosi k'o sariya te ka labato dugubaw



Metiri Muntaga TALI, mogo folo nunman fe

kono, kuma te cikeduguw ma. Mogo minnu y'o sariyassoso kolosi n'a ma ben u ma, o do kera Metiri Muntaga TALI ye, n'o ye pariti «CNID» despite ye. O kama, ale y'a ninia ka yelema don morifurusiri fana la i k'a be merilafurusiri la cogo min na. Ale ka faamuyalila, o be furusiricogo filabec damakejé, k'a masorón'a seben fila te mogo minnu bolo, a te se ka fo k'olu ye furu ke.

O kuma dara musow ka jekulu min tulo kan, n'o be wele «CADEF», n'o sigikun ye musow ni denw surunadonni ye Mali kono, o nemogow ye wele bila Muntaga TALI ma, a ka t'a ko nefsé u ye kojuman, walasa u k'a faamuya kosebe. Muntaga taara musow ka yoro la. Uméenna kuma la. NKA, u ma se ka ben.

Musow ma jen ni yelema were donne ye furusiri kecogo sariya korolen na. U y'a jira ko ni sebenko donna morifurusiri la,

k'o kuma be caya, sanko Muntaga y'a jira ko furu ka siri alimamiw ani diinekuntigiw dörön de fe. O temennen ko, o sebenko musakantan te.

O wari be bo yoro minnu na, olu ma dantige; mogo minnu ben'a sebenwdilan, olu ma dantige, kuma t'olu ka sarakown'u ka baarakéyoro ma.

Muntaga TALI ko fana, ko furu be siri yoro minna, ko yamaruyaseben be nöro o yoro bulonda la. O yamaruyaseben dilanbagaa fana ma dantige. Osaroko ma dantige. O nörobaga n'a sarako ma dantige. Fen dantigebali cayara kojugu. Muntaga yere tun sigilen te n'a dow ye.

O kama, a y'a fo «CADEF» musow ye, k'aley'a hakilinata de jira nin ye; k'uk'a ko laje nogonfe, walasa aka sira soro. Musow y'a jira a la, k'a ko be bolo min kan nin ye, k'o t'a sira soro bolo ye folo. U y'u kodon nogon na, ka soro u ma ben.

«COFEM» ni «CADEF» ma jen ni yelema ye furuko la.

Musow ka jekulu were y'a hakilinata fo furusiri sariya yelema kan Mali kono. O jekulu min ye «COFEM» ye, o fana jesinnen be musow ni denmisew surunadonnikow ma i ko «CADEF» n'a nogonna musojekulu fen o fen be Mali kono.

«COFEM» nemogow y'a jira ko ni yelema donna furu sircogo koro la, k'o be ke baasi ye sariyako ani diineko siratigew la, ko sariya y'a jira ko furu bee sirikun meri la, o ye furusebenko de ye; ko meridörön de be furuseben dilan; ko n'a fora ka sebenko don furusiriw la, minnu be ke diine sira kan, k'o be geleya, ka d'a kan, diine ka ca Mali kono, wa dowtediinela; k'o sebenkomusakaw bëna fara meri sebenko musakaw kan, furukelaw ani diine nemogow bee bolo. O temennen ko, diine dow jennen be ni furusa ye, dow jennen te n'a ye; ko n'a fora k'olu kowbee be bila sariya bolo kan, k'o laban be ke sababu ye ka diinew ni sariya bila nogon na; ko kun te furusebenfilako la furu kelen na.

Nin b'a jira ko «COFEM» ni «CADEF» jekulu fila si ma jen ni yelema donne ye furu sircogo koro la. U y'a jira fana ko ciyenko siratigew la, kun te yelema in na, bawoni ce sara, furuseben be se ka dilan a muso kelen-kelen bee ye, n'a y'a soro olu ka merilafurusiri ma ke, wa woloseben be se ka dilan denw fana ye.

Olu ko k'u m'a fo yelema te don furusiri sariya yere la, nka, ko Muntaga ta t'a kun bo cogo si la.

Senegalikaw ye minecogo soro furusiriko la

Mali musojekulu ni Muntaga TALI be nogon na yelema donniko min na furu sircogo la, n'u bennen t'a la folo. Senegalikaw ye minecogo soro o la kabini san 1973 la. Olu ka sariya talen ye furu temencogo saba de jira ce ni muso ni nogon ce. A folo ye merilafurusiri ye, t'n'a fa be ke Mali la cogo min na. Furuseben be di, ka muso kelenko ni muso camanko dantige. O furukelaw te taa yoro si tugun. Morifurusiri t'a la. Keretiyenfurusiri t'a la. O y'olu ka furu kelen ye. A filanan ye merilafurusiri ni morifurusiri fila bee keli ye, hali n'u ma ke waati kelen, walli ni do kera do ne. Otebaasi ye. Nka morifurusiri be ke meri mogow ne na. Moriye seben di, meri b'o seben data ni furuseben lajika yere ye. Ni meri mogow ma ye morifurusiri kene kan, moriye ka sebenw be lase u ma. U be soro ka furuseben lajika dilan. O sebenhase man kan ka temen kalo woori kan, morifurusiri kelen ko. Nin furusiricogo jesinnen be silamew dörön de ma. Keretiyenfurusiri t'a la. Olu te furu si siri ni meri ka furusiriseben ma jira u la folo.

A sabanan ye lawale furucogo koro ye, n'o ye ce ni muso jenni ye ka sigi nogon fe, ka soro furusiriko man di u fila si ye, meri la, kuma te yoro were ma. O mogow fana be yen. U be denw soro, nka, furu t'u ce. O de diyara u ye. Mogo si te se k'u bali n'i ma don u gasi la. N'u mago jora sebenko la tuma min na, u be wuli k'o nénabo. Mogo si te se k'u bali o fana la.

Musow togoladon Marisikalo tile 8 gintanw nesinna yere labenkow ma.

Dijen musow togoladon ye Marisikalo tile 8 ye. O be sen na san o san kabini san 1910 waatiw la. N'o don sera san min na, dijen jamanaw musojekuluw be gintan suguya bee laben, walasa k'u yerekofu u gasi sigiliko la sira bee kan. Bee y'a don ko cew ni musow ye nogondafalan de ye; bee y'a don ko dijelatige te ke muso ko, nka bee y'a don ko cew kelen be ka musow ke bolokofefenw ye, k'u senbo ko bee la, k'u joyoro ke denwolo ni sokonobaaraw doren ye.



K'a bo nunman fe ka taa kinfe : folo Madamu Sira Jopu Sisoko, filanan Madamu Danbele Sata Jire, sabanan Madamu Bintu Sanankuwa

O de te ka ben musow ma ka t'a fe. O koso, olu te ka segen nogon kunben na. Uka nogon kunben laban kera salon Setanburukalo la Bezingi, Shinuwa jamana kono. U bee kelen ka nogon soroyen, u benna wale dow latemenni kan, minnu b'a to musow ka yerekunmabokow be sira soro farafinna ani farajela. O siratige la, musow y'a jira ko n'olu sen ma don jamanaw baaralikow, u yiriwalikow n'u netaalikow la, ko jamanaw boli be geleya nogon la, k'a da musow joyoro kan, n'o ye hadamadenya yere sabatiliye. O te sabati bange min ko, o ye muso joyoro ye. N'a fora ko musow da te don hadamadenw ka dijelatigekow la, o ye fitiriwaleya ye. Musow ma jen n'o ye. O kama, u

jolen be cew ni musow damakejeni de kan ko caman na, i ko baarako, fangako, politikiko, soro, kalanko, kenyako, ladamuniko, hereko ni lafiyako ani daamuko. Musow y'a jira ko nin kow la, ceya wali musoya kuma man kan ka fo. O be fo yoro min na, olu yere ma ban o ma. Nka musow y'a fo k'o man kan ka k'u ka ko dogoyalikun ye cew ma. O miiriya de b'u muruti, k'u bila cew la, folu k'a don tuma min na, ko n'utara yorojan ka musow to, k'u be laban, k'u joka musow makono. Musow

b'o bolo de kan
s i s a n , d i j e
jamana bee
kono.

O de kama Mali
musow ye jinan
Marisikalo tile 8
gintanw nesin u
kayere labenkow
ma. O gintanw
nemogoyatun be
jamana kuntigi
furumuso yere

M a d a m u

Adamu Ba Konare ye. O siratige la, kabini Mali musow n'uka walewyiriwali ciyakeda kuntigi, Madamu Jakite Fatumata NJayi bora Bezingi, u ye taamaw ke jamana dugubaw n'a dugumisenw kono; ka musojekuluw bee kumanogonya; ka musojama laje ke yoro bee la, ka tila k'u ka baara n'a feerewdantige. Baara kuntaalaye san 4 ye, i kok'a ta san 1996 la fo ka se san 2000 ma. Feerew ye 6 ye, minnu be tali ke danfarako kan, cew ni musow kakewalewla, n'olube latemjenjamana togo la. O b'i n'a fo ko kalanko, kenyako, musoyako, saniyako, soro ani ladamuniko.

Nin baara n'u feerew bee dajirala fangaso la kabani. Ojenna n'awaleyali ye Mali kono. O de kama, a seben

kalanna musow bee ne na, k'a jini u fe, u k'u cesiri k'u yere bo bolo la, walasa u ni cew ka je ka jamana baara nogon fe, ka soro fisamanciya ma ke cew ni musow ce. A jirala ko musow ka yere laben musaka be taa se sefawari miliyari 11 hake ma, min na miliyari 3 be bo jamana kono, k'a to jini kenyereyew ni demejekuluw fe jamana kukan.

Wariko siratige la, Mali musow hakili b'a la k'u demebagaw bee wele, k'u lasigi kene kelen kan, walasa bee k'u demekan fo musow ne na. O demebagaw be soro Mali kono an'a kukan. Mogo ma bo mogo la. Jekulu ma bo jekulu la. tama man dogo, baa kelen man ca.

A waribo bena nogoya mogo minnu ani jekulu minnu ma, o ye musow ka ko ka gelon minnu ma. Olu de be musow deme. N'a kera cogo o cogo, musow yere jolen b'u yere kokoro, k'a masoro u b'a don ko n'u ma wuli, k'u jo, k'u cesiri, k'olu ta na ke jamanajo la: n'y'a men ye. Olu dun t'a fe ka dan o ma.

U b'a fe ka musow sankorota cogo bee la ani yoro bee la, walasa musow kata, k'u bila baarada bee la jamana kono. Ode y'u ka keli kuniye. Musow togoladongintanw kadara kono, muso ganan caman ye ladiyalifew soro denko ni muso konomayako kolosili la.

Dow y'a soro bangebolodako kolosi ani kenyako kolosili fana la, dogotorosow la. Muso saba yere ye medayi soro, u ka cesiri koso denko, musoyako, kalanko ani ladamuniko la. Afolye Madamu Sira Jopu Sisoko ye. A filanan ye Madamu Danbele Sata Jire ye. A sabanan ye Madamu Bintu Sanankuwa ye. Nin bee b'a jira ko Mali musow ka cesiri kono, kabini kunun fo ka se bi ma, olu bolo be nogon bolo; u be don da kelen fe, ka bo da kelen fe, u be kan kelen fo u ka nemaya n'u ka netaa baara n'a feerew bee la.

Musow ka kōnotiñeliko kuma gelyayorō ka ca

Kabini lawale la fō ka se bi ma, musowka kōnotiñeliko kuma ka gelen jamanaw bēe kōno. Dōw jenna n'a ye, dōw majeñ n'a ye. Akumagelyayorō bē tali ke fen caman kan, i ko kōnotiñe bē baasi min ke musow la; kun minnu bē musow bila kōnotiñe la; nafolo min bē don kōnotiñe la ani kōnotiñe sariyako, fangaso kunda ani diine kunda.

Jamana caman dōgotorowye nōgoñ kunben a kuma la Bamako Marisikalo tile 6 don. A kunben labenna sōrōdako ciyakēda min fē, o de bē wele ko Bamako «JCE», ni kēnyerēnye baarada do don. Dōgotorō fila minnu tun b'a kunben nōmōgo sigiyorō la, n'oludeye kōnotiñeko kunnafoniwlase jama ma, o kera porofeseri Sanba JARA ye, kabō Kōdiwari ani porofeseri Amadu DOLO, kabō Mali la.

Jatigimusow no bē baaradenw ka jogojuguya la

Nin ye kunnafoniye ka nesin npogotigiw ma, minnu bē taa Bamako. Bēe ka kuma ye ko, ni dugumisenw npogotigiw taara duguba kōno, ko u jogow bē juguya. Dōw bē dōlō min, dōw bē kununbalikunun, dōw bē taa buwatiw kōno; dōw bē na ni den ye so; dōw bē na ni kōnobarā ye so; dōw bē soñeli ke.

Nin bēe ye tijē ye; nka ne nē bē fura dōla a ko la. O fura ye u jatigimusow ye. Mun na?

N'iye baaraden ta, k'a to a yēre ma ten, ko a t'a bo i ye; waati min mana baaraden diya a bē bo, su ani tile, o man ni.

N'iye bōli tige min na, n'o ma diya o ye, o na bo i bolo, i na dōwēre ta.

I ni min jogo ye kelen ye, o na to i bolo.

N'a bōra ka taa yōrō wēre, n'a n'o tigi ma

je, n'a ye dugu girin ka sēgen, a bē segin so wajibiyā la.

Dō bē baaradenw na, dō bē jatigimusow la. Dijē ko o ko, numan b'a la, juguman b'a la. Jatigi dōw fana bē yen, n'u bē baaraden ta, abada u tē lahaarajugu ta; k'a sababu ke, min b'u kōno.

N'u ye numan ta, u bēna o laben, wa jagokun sōrola sa dē! O tuma, baaraden sara bē nini a yērela. Wajibit'o jagojuguya ye wa?

Jatigimusow! a bē a denw ladon cogo numan min na, a ye baaradenw ladon o cogo kelen na. Mōgoya kōrōlen ye o ye. N'a digira jatigimuso min na, o ka yaafa n ma. A kun ye denw ka se ka je.

Adama Dawuda Sangare
Jumazana Kōcebugu
(Fana)

Alimatu Jalo y'a seko ke Welesebugukaw ye

Anw Welesebugukaw kēneyara a mēennna. Ala ni Alimatu Jalo, Madamu Tarawere sababu. Anw fē yan, k'a ta san 1986 wagatiw la, fō ka n'a bila bi la, madamu Tarawere donna duguw kōno ka musow ta, kēneya tē sabati minnu kō, k'u dege dennadon na, ani gakulunjana turuli; ka fara duw ni duguw saniyali kan.

O t'a bēe ye. A labanna ka musomisen damadow ta togodaw la. O kalan kera sababu ye ka Welesebugu n'a lamini dugu 75 bēe lajelen kisi densaya banbaliw ma, minnu ju tun bē denw ka sereli la.

Wa, anw fē yan bi, dōgobolo saba (3) bē to tobi fō k'a mō. Nka kibaru kalanni de ye nin baaraw nōgoy'an bolo. Madamu Tarawere, i ni ce! Welesebugu ka foli don.

Fasun Samake Balikukalandenjolen Morjanbugu (Kati)

Olu y'a jira ko Afiriki kōno, muso tinto 100.000 kulu kelen na, muso 600 de bē to musokelē la. Olu bē sa jiginni sen fē; ko Mali ta ka jugu ni Afiriki yōrō bēta ye, k'a masorō Mali kōno, muso tinto 100.000 cēma, sabagaw ye muso 700 ye. jatemine la, muso tinto 7 kulu kelen na, muso kelen bē sa Mali kōno, k'a sōrō muso tinto 17 kulu kelen na, muso kelen dōrōn de bē sa yōrō tōw la dijē kōno. Olu ka jate la, kōnotiñe minnu bē ke dogo la, ka sōrō u ma ke mōgō faamuyalenw bolo, farafin kunda wali dōgotorōkunda, k'olude kasaara ka ca kojugu. U y'a jira ko Afiriki kōno, n'i ye muso kōnōma 100 kulu kelen fēn o fēn ta, n'olu b'u dogo k'u kōno tijē, k'olu la, sabagatōw hake bē t'i jo muso 30, fō muso 50 la.

Olu de bē wele koyērēlajabalaw. Nka, u y'a fō, ko ni sababu tē, muso si tē t'ayēre ma, ka kōno ta, ka sōrō k'i dogo k'o kōno kelen tijē; k'o ye kōnotiñeliko kuma gelyayorō dōye, min bē tali ke fen caman kan, i ko maloya, nimisa, janfa, bēnbaliya, bana, dēsē, sēgen ani dukōnokow, kabilakow, sariyakow, dijnēkow n'u nōgōnnaw. Muso dōw b'u yēre faga sijē kelen. O temennen kō, u y'a jira ko kōnotiñe bē fijē bila muso la bangeko siratige la, fō muso dōw ta bē ke denwolobaliya ye.

Nin bēe de kama dōgotorow y'a jira ko ni kōnotiñeliko kera fangalako wali sariyalako ye cogo o cogo, ni musow ma kalan, k'u ladamu, k'u kunnafoni, k'u bilasira, k'u laadi, a dabila ka gelen.

O siratige la, u y'a fō ko kōnotiñelaw tē mōgō suguya kelenw ye; kōnōw tijēkunw tē kelenw ye; kōnōw tijēcogow tē kelenw ye; k'o de bēe b'a ko gelyayorō dōye, ciyakēda kelen dōrōn ma jamana kōno; ko bēejēko don, kabini dū ni dugu kōno, fō ka se fangaso ni sariyaso ma.

Jamana faamaw ka kan ka balikukalan don da la

Kibaru kɔnɔko minnu ka di ne ye, n b'o kunnafoniw lase Kibaru ma, ani kunnafoni wɛrew, minnu bɛ tali ke balikukalanko la, ka fara wolokanko yere kan. An ka Mali kɔnɔyan, Kibaru ye fɛrew tige a mɛenna, minnu b'a to ntolatan kunnafoniw ka se ka bɔ Kibaru kɔnɔ. Nka, halibi, aw bɛ se ka do fara ntolatanko kunnafoniw kan, cogo min na Kibaru kalanbagaw bɛ se ka faamuya nɛnamaw cɔs Mali kɔnɔ, ntolatan kananidinɛntolatanna naana kelen-kelenw kan, i n'a fo Zorizi Weya n'a nɔgɔnnaw, «sanu balon >> sɔrɔbagaw olu kunnafoniw ka fisa kosebe.

Min ye balikukalanko ni wolokanko yere ye, jamana in kɔnɔ bi, gelya caman bɛ balikukalandenw n'u karamogow kan. A gelya fanba dɔ ye wolokanw dondalabaliya ye kosebe jamana kɔnɔ; bawo, an bɛ don min na i ko bi, n'a bora baarada damadɔw la, n'i y'a laje k' a fɔ k'i bɛ dantigeli ke seben kɔnɔ, k'i nɛsin n'a ye baaradaw ma, walasa i ka hamī bɛ se ka dɔn, ka lase faamaw ma, a te se ka kalan.

Hali n'a bɛ se ka kalan, a goyanye yere fe, a te kalan. O kɔni ye wale ye sa, min ka gelen, n'a bɛ balikukalan karamogow ni kalandenw bali k'u feta ke seben ye k'a lase baarada caman ma. Wale dɔw b'a sementiya ko wolokan sebenni ka di dɔw ye; nka, hali o fanba kɛbagaw ye kenyereyew ye. Oye ka yɔrɔtɔgɔw seben bamanankan ni wolokan werew la, an ka jamana dugubaw kɔnɔ.

Olu bɛe bɛ dɔ bɔ wolokan kalannaw ka timinandiya la, bawo, baara o baara, ni mɔgɔb'ake, fo i ka nisɔndiya yɔrɔ dɔw cɔs a la, min b'a nɛtaa jira i la.

N'a y'a sɔrɔ ko baaradaw tɔgɔw tun bɛ seben bamanankan na, ani forobayɔrɔw, gelya dɔw tun bɛ ban pewu.

Nka, nini dɔrɔn te gelyaw ye. Gelya caman werew bɛ yen, minnu bɛ bamanankan kalanbagaw degun kosebe. N'i y'a laje, bamanankan, walima balikukalan bɛ ke an ka

sigidamisenw de la kosebe; nka ni foroba seriusida te yɔrɔ min na, o yɔrɔ kalanko bɛ lagosi. Hali o yɔrɔ mɔgɔwt'a don a kuma ka kan ka fɔ yɔrɔ min na, walasa u bɛ se ka kalan ke, u sigiyɔrɔ la.

Minnu fana ye dɔɔnin kalan, n'olu k'u b'a fe ka do fara u ka kalan kan, u te yɔrɔ si sɔrɔ, min bɛ jo u jigi kɔrɔ. Min ye bamanankan gafew kɔrɔ ye, olu fana sɔrɔli man nɔgɔn, ka sɔrɔ mɔgɔw bɛ yen minnu bɛ ka musaka jɔnjɔnw bila kalan kama. N'i ye balikukalanko mafile kosebe, a bɛ kɔnɔnafililase i ma, bawo jamana ye musakabaw don balikukalanko da fe, ka tila ka n'o wale netaakun ke fen nagasilen ye, n'o y'an ka kanw donda la, a kalanbagaw te se ka jate mɔgɔkalannenw fe, cogo si la; bawo gelya b'an ka sigidamisenw kalanko la kosebe.

Yɔrɔcaman bɛ yen, balikukalannaw ni forobabaarakelaw bɛ kɔrɔw nɛnabo sebenko nasiraw fe, nka, hali o fana, gelya dɔɔnin b'o la. Nin kɔni ye fen ye sa, fɔ ka jɔnjɔn lini a ko la, n'o te, a

be ke sisan, i n'a fo, i ye daga fatomugu la, nka lamagalant'a la; o bɛ tijɛ o la de ! Ala k'an kisi o ma. On'a taa bɛe, porozé dow y'a faamu ko walasa mɔgɔw ka sɛ ka baara ke nɔgɔnfɛ, a ka sɔrɔ aw bɛ sɔgɔn ka kan mɛn, ani k'a seben. Ola, dɔwy'a daminek'u ka baarada mɔgɔw kalan. Wa, u fana b'an ka kanw kalan. Nka, ocamanyefarajɛdunan nalenw ye.

An ka jamana kɔnɔ bi, balikukalandenw bɛ yen, minnu bɛ se ka kocaman nɛnabo, siga sit'ola. Wa balikukalandenw ye baara caman ke dugu misenw kɔnɔten, ka sɔrɔ, u m'u tɛgɛ jan ko sarako, walasa u ka dugu nafolokow ka se ka nɛnabo. N bɛ foli k'u bɛe ye. Jɛninkali dɔ file : tɔgɔ bɛ cɔs miliyari la, bamananjate la wa ? Bawo, bamananjate la, danni kelen don ka se fɔ dɔrɔmɛ 999.999 ma, ka sɔrɔ i ma miliyɔn ni miliyari fɔ.

Abuduli kadiri Kulubali
Marena-Fuladugu-Kita.

TULON

Nin desen fila dilanbaga y'a dab'a kama, ka fili 10 k'u la. A y'olu nini.



1- Jit kuu, walimba sarefela la. 2- Jitfiro, numanɛ. 3- ja min be muso karan na. 4- Dji fan kelen min be numanɛ. 5- Ci, walimatare, minnu be sigilan kuu. 6- Bwati datulgulan. 7- Jinbo lo misenin min be muso boli. 8- Muso kumsigil. 9- Walimba duguma dawoli. 10- Sali, «!» sebenogag.

KJC

An be se ka balo ni fine ye cogo di ?



Wolikeri Korose file a ka mobili kere fe

Nin kunnafoni in be nanbara do
kan, min ye Alimayi jamanden do
ye.

A y'a jir'a ka jemukan dō sen fe,
k'ale wolola nanbaraya la, k'a
sababu bɔ bana dō la, min y'a sɔɔ
kabini a woloba y'a kono ta. O de
kɔson, an file yorɔmin na, jiri donnen
don a señw na fo ka s'a senkuruw
ma. Bee dun b'a dɔn ko ni
hadamaden b'o sawura la, ko
caman keli ka gelən a ma.

Nka, nanbara in ko, k'ale y'a jija,
min ye bolotanya yoro ye, k'a ka
bololabaaraw fanba ke n'a
n'onkonkuuw n'a da ye.

Ale ka jate la, mögo fijetow ka ko
bœe sirilen don u lamoyoro ka
sebaayaw de la, yenkaw mana se
ka feere minnu dabali ka lujuratow
deme, k'uka dinelatige nogoy'ubolo.
Ako, ale faso, n'o ye Alimanijamana
ye, nanbaraw n'u nogonna fijetow

dəmənni ka fən kərənkernenw labən
u ye, walasa k'u doni nəgɔya bolifənw
kɔnɔ an'u taali kubedaw la u magow
ŋenabɔli la, o wale nəgɔnnaw ka dɔgo
yen.

A ye min lakələsi Ameriken jamana kan, wale kəfolen ninnu feere caman sirilen don lujuratow ye yen. Ale sera ka məobiliboli dege Ameriki hali gəleya m'a y'a la; k'a soro, a ka jamana məgo faamuyalenw ko k'a te se ka məobili gansan boli, fo k'a danma məibili de dilan a ye; o dun wari t'ale kun; o se t'ale ye.

Ode kɔson, ale tun jenna mɔbiliboli
yamaruyašebeñ tali kɔ.

Nka, jinan y'ale san 6 ye, a be
mobilis gansan boli, minen
kerenkerennen foyi te min na.

O temennen kō, a be mōbili girin
Shikago, Deturuwa ani Wasintoni
duguw kōnō baarawuli ni baarajigin
waatiw la, o tɔye min ye, bee b'o dən.

FURAW NCTNCG

Dawuda Jara ka fo la, n'ale be
wele ko jiri dögötörö, ni kónótn be
mogo min na, i be sinjandili bo, k'a
kenekene tige tige, k'a ke daga
kono ; i be mururu k'a kan, ka
laban ka keninge koji d'a kan, k'u
wuli ni nögön ye, k'a soli, k'a sigi.
Ni dugu jëra, i be dö min ; ni su
kora, i be dö min i dato. A be ke
sababu ye ka kónóton ban pewu.
N'o bora yen, jiri döfana be yen ko
sulasinzan.

I be sulasinzandili bo, k'a
bogomisenninw b'a la, k'a tigetige,
k'a ke daga kono, ka mururu k'a
kan, anikeninge koji, k'u wuli ni
nogon ye, k'a ji soli k'a sigi.
N'ay'i diya, i b'a sensen, ka buteliw
fa. I b'a min sogoma, ani wula. A be
konotonbanbali nogoya.

N'o bora yen, jiri do be yen ko buwaye. Folofoló, bamananw ka kónodimi fura tun don. I b'o dili bɔ, k'a foroki, k'a da tile la. N'a jara, i b'a mugubɔ, ka to k'a kejikalann na walima seri la, k'a min.

A be končónbanbali nogoya, hali
n'a kera sumaya walima furudimi
ye cu.

"AMAP" kuntigi

Gawusu DARABO

Mali kanw kunnafonisəbenw

baarada kuntigi

Janze Samake

Kibaru

BP : 24 Telefon: 22-21-04

Kibaru Bugufiyε Bozola

Bamako -Mali

Dilanbagaw ni sebenbagaw kuntigi

Basiriki Ture

Sebenbagaw kuntigi

Baadama Dukure

**Labugunyoro: Kibaru gafedilan baarada
Bolen Hake: 16 000**